



Broj: 16-12-16-2-4799-116/15
I. Sarajevo, 17.07.2015. godine

Na osnovu člana 70. Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-4799/15 od 09.07.2015. godine, u postupku javne nabavke usluga održavanja sistema klimatizacije i grijanja Državne agencije za istrage i zaštitu, direktor Državne agencije za istrage i zaštitu, **d o n o s i**

ODLUKU

o izboru najpovoljnijeg ponuđača u konkurentskom zahtjevu za dostavljanje ponuda za javnu nabavku usluga održavanja sistema klimatizacije i grijanja

Član 1.

Prihvata se preporuka Komisije za provođenje postupka nabavke broj 16-12-16-2-4799/15 od 09.07.2015. godine i ugovor o pružanju usluga održavanja sistema klimatizacije i grijanja Državne agencije za istrage i zaštitu dodjeljuje se ponuđaču "ALFA THERM" d.o.o. Mostar, ponuda broj 16-12-16-2-4799-11/15 od 29.06.2015. godine, za ponudenu cijenu 20.500,00 KM bez uračunatog PDV-a.

Član 2.

Prijedlog ugovora o pružanju usluga dostavit će se na potpis izabranom ponuđaču, po proteku roka od 10 dana, računajući od dana kada su svi ponuđači obaviješteni o izboru napovoljnije ponude.

Član 3.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 4.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 5.

Ova odluka stupa na snagu danom donošenja.

O b r a z l o ž e n j e

Postupak javne nabavke usluga održavanja sistema klimatizacije i grijanja Državne agencije za istrage i zaštitu (u daljem tekstu: Agencija) pokrenut je Odlukom direktora Agencije broj 16-12-16-2-4799-1/15 od 18.05.2015. godine, procijenjene vrijednosti 17.100,00 KM bez uračunatog PDV-a, za šta su novčana sredstva predviđena u okviru budžetskih sredstava za 2015. godinu. Postupak javne nabavke proveden je putem Konkurentskog zahtjeva, za koji je obavještenje o nabavci objavljeno na Portalu javnih nabavki broj 1161-7-2-567-3-13/15 od 18.06.2015. godine.

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-2-4799/15 od 09.07.2015. godine sa preporukom o izboru najpovoljnijeg ponuđača u postupku javne nabavke usluga održavanja sistema klimatizacije i grijanja Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 29.06.2015. godine do 13,00 sati, te da se ponude dostavljaju u zatvorenoj koverti, Komisija je dana 29.06.2015. godine u 14,00 sati izvršila javno otvaranje ponuda. Predsjedavajuća Komisije, na otvorenom sastanku, pristupila je otvaranju primljenih ponuda prema datumu i vremenu prijema, numerišući kovertu, gdje je utvrđeno da su blagovremeno dostavljene tri ponude, uredno zapečaćene, kako slijedi:

Redni broj	Naziv ponuđača	Vrijednost ponude (bez PDV-a)
1.	“ALFA THERM” d.o.o. Mostar	20.500,00 KM
2.	“HOLLODEX” d.o.o. Banja Luka	22.440,00 KM
3.	“CLIMA - TRADE” d.o.o. Sarajevo	15.927,40 sa uključenim popustom od 3%

Komisija je nakon otvaranja ponuda, u smislu člana 63. st. (5) i (6) Zakona o javnim nabavkama (“Službeni glasnik BiH”, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima.

Komisija je postupak nastavila u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog ponuđača, te njihove kvalifikovanosti shodno uslovima navedenim u Konkurentskom zahtjevu. Uvidom u sadržaj dostavljenih ponuda Komisija je utvrdila da ponuđač “Alfa Therm” d.o.o. Mostar, ispunjava kvalifikacione uslove u pogledu njegove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, kao i tehničke i profesionalne sposobnosti navedene u Konkurentskom zahtjevu, dok ponuđači “Hollodex” d.o.o. Banja Luka i “Clima-Trade” d.o.o. Sarajevo, ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, te ekonomske i finansijske sposobnosti navedene u Konkurentskom zahtjevu, s tim da ne ispunjavaju uslove tehničke i profesionalne sposobnosti iz tačke 3.1.4 Konkurentskog zahtjeva obzirom da isti u svojoj ponudi nisu dostavili dokaz da posjeduju certifikat ili potvrdu proizvođača opreme Emerson da je ponuđač ovlašten serviser za većinski dio opreme koja je predmet nabavke. Takođe Komisija je konstatovala da ponuđač “Holodex” d.o.o. Banja Luka tehničku specifikaciju rezervnih dijelova i cijene rada nije dostavio na obrascu ugovornog organa iako je to traženo tačkom 2.4. Konkurentskog zahtjeva. Komisija je takođe konstatovala da ponuda ponuđača “Clima - Trade” d.o.o. Sarajevo ne ispunjava formalno-pravne uslove iz Konkurentskog zahtjeva, obzirom da ponuđač izjavu o ispunjenosti uslova iz člana 47. stav (1) tačka a) i stav (4) nije popunio na pravilan način. Naime u dostavljenoj izjavi nije navedeno ko je izjavu dao, nije upisano mjesto i datum davanja izjave te ista nije potpisana i ovjerena od strane

ponuđača. Obzirom na naprijed navedeno Komisija nije dalje razmatrala niti vrednovala ponude ponuđača: "Hollodex" d.o.o. Banja Luka i "Clima - Trade" d.o.o. Sarajevo.

Komisija je u cilju ocjene tehničkih uslova navedenih u Konkurentskom zahtjevu od Sektora za operativnu podršku, aktom broj 16-12-16-2-4799/15 od 30.06.2015. godine, tražila da na osnovu uvida u pristigle ponude dostavi stručno mišljenje u pogledu postavljenih tehničkih uslova iz Konkurentskog zahtjeva. Sektor za operativnu podršku aktom od 30.06.2015. godine konstatovao je da ponuđači "Hollodex" d.o.o. Banja Luka i "Clima-Trade" d.o.o. Sarajevo ne posjeduju traženi certifikat za održavanje Emerson opreme, dok ponuđač "Alfa Therm" d.o.o. Mostar jedini u potpunosti zadovoljava sve tražene tehničke uslove iz Konkurentskog zahtjeva.

Nakon pregledanja dokumentacije priložene uz dostavljene ponude i dostavljenog mišljenja Sektora za operativnu podršku, Komisija je u smislu člana 65. st. (1) i (2) Zakona, ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 9. Konkurentskog zahtjeva i sačinila rang listu ocijenjenih ponuda kako slijedi:

Redni broj	Naziv ponuđača	Vrijednost ponude (bez PDV-a)
1.	"ALFA THERM" d.o.o. Mostar	20.500,00 KM

Nakon izvršene ocjene dostavljenih ponuda Komisija je konstatovala da jedina prihvatljiva ponuda ponuđača "Alfa Therm" d.o.o. Mostar premašuje procijenjenu vrijednost nabavke iz tačke II Odluke o javnoj nabavci za 3.400,00 KM ili cca. 19.88%. Komisija je aktom broj 16-12-16-2-4799/15 od 01.07.2015. godine, od Sektora za materijalno-finansijske poslove tražila stav i mišljenje po pitanju obezbjeđenja dodatnih novčanih sredstava za realizaciju predmetne nabavke. Sektor za materijalno-finansijske poslove je aktom od 02.07.2015. godine Komisiji dostavio mišljenje da je u budžetu Agencije za 2015. godinu, moguće obezbijediti dodatna novčana sredstva za realizaciju predmetne nabavke. Uvažavajući dostavljeno mišljenje Sektora za materijalno-finansijske poslove, Komisija je ponudu ponuđača "Alfa Therm" d.o.o. Mostar, ocijenila kao najprihvatljiviju.

Nakon provedenog postupka ocjenjivanja dostavljenih ponuda, uvažavajući mišljenje Sektora za materijalno-finansijske poslove i Sektora za operativnu podršku Komisija je utvrdila da je ponuda ponuđača "Alfa Therm" d.o.o. Mostar, ocijenjena kao najpovoljnija i da ista podliježe preferencijalnom tretmanu domaćeg.

Shodno navedenom, prihvaćen je prijedlog Komisije i odlučeno je da se ugovor o pružanju usluga održavanja sistema klimatizacije i grijanja Agencije dodijeli ponuđaču "Alfa Therm" d.o.o. Mostar.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima 3x,
- Sektoru za mat - fin poslove,
- a/a.

